

欽定大清會典事例

欽定大清會典事例卷八百九十九

工部

軍大直省大器二

道光五年覆准。福州三江口水師旗營鑄造子母礮五位。○六年奏准。粵東虎門海口添建永安鞏固二礮臺。安設新鑄四五千斤大礮十位。舊鑄一二三四千斤大礮五十位。內改鑄三千斤者六位。○又奏准。蕉門礮臺添鑄三千斤大礮九位。工料銀兩由洋商捐辦。○又議准。直隸省裁撤天津水師。並添設大名鎮屬鳥槍兵二

百七十六名。每名歲需火藥三斤九兩。鉛子五
十四粒。所需藥鉛動用公費銀兩。置買備儲三
年以供操演。○七年奏准。金州旅順口水師營
巡哨戰船由造辦處鑄給發煩礮三位。子礮五
箇。○九年

諭。觀喜等奏。請將損壞礮位照式改造撞礮一摺。荊州
南營額設礮位。年久半皆損壞。該將軍查明。不堪應
用者二十位。請仿照直隸式樣。改造撞礮四十位。所
需鎔鑄工費。著照所請。於該營獎賞項下動撥製造。
○十年奏准。福州三江口駐防水師旗營。仿照

西安撞礮鑄造十門。○十二年奏准。河標四營。
仿照兗州鎮標所製天門。鳥戟兩種礮位式樣。
捐鑄天門礮十六位。鳥戟礮十六位。與舊礮輪
流演放。毋庸加給大藥。○十三年。造辦處由庫
存礮內。撥換墨爾根城子母礮一位。○十五年
諭盧坤等奏。遵赴虎門一帶。逐加查勘。請添鑄六千斤
以上大礮四十位。酌派各臺應用。著照所請辦理。其
添鑄六千斤大礮二十位。八千斤大礮二十位。准其
募雇工匠承造。責限保固。○又奏准。成都滿營。仿照
綠營式樣。每佐領下試造撞槍一杆。八旗共添

造二十四杆。所需藥鉛即在該營操演鳥槍藥
鉛內酌量撥用。○十六年奏准。廣東省虎門地
方新鑄大礮五十九位。炸裂十位。委員摘去頂
戴責令賠造。○又奏准。山東省青州滿營存儲
發燒礮位。演放無準。改製撞礮二十四位。留儲
青州十六位。分撥德州八位。○十七年奏准。荆
州滿營。改設撞礮四十位。並添造十六位。○十

八年

諭雙德奏請添製牌槍。以資操演一摺。密雲駐防打靶
牌槍僅有四百八十杆。為數較少。著准其添製一百

二十杆。俾兵丁專演準頭。以期熟練。應用藥鉛大繩。
著工部自明年為始。照數給領。○又

諭薩隆阿奏請添製撞礮一摺。涼州軍營向未設有撞
礮。著准其添製六尊。並於涼州閒散內挑選額外礮
手三十名。每名月給銀一兩。○十九年奏准。山東省
添製撞礮四十六位。鳥槍六百杆。令弓箭兵丁
兼習。以資操防。所需鉛藥銀兩。於藩庫內撥給。
免其報銷。○二十年議准。

興京開原。遼陽廣甯暨鐵嶺等十路。法庫等十六
邊門。一律添設鳥槍九百八十杆。○又奏准。河

南省駐防滿營。加製擡槍五十杆。○又奏准。西安滿營添鑄擡礮六十位。○又奏准。

盛京將軍衙門庫存五節礮。酌撥五尊。安設金州之貔子窩和尚島小平島二尊安設蓋州連雲島岫巖向未設礮。應撥一尊安設所屬之大莊河二尊安設所屬之大孤山再撥一尊安設復州之娘娘宮錦州原有礮三十五尊。由該城酌撥四尊安設天橋廠二尊安設龍王廟二尊安設甯遠之釣魚臺各海口。○二十一年

諭著河南巡撫飭屬打造擡礮五百杆。迅速解赴浙江

省備用。○又

諭保昌等奏添造檣礮一摺。福州駐防八旗及水師旗營著准其添造五十杆。以備守禦。○又

諭奕興奏請演放舊存礮位等語。綏遠城存貯軍器內查有九節十成銅礮三尊。咸遠銅礮三尊。著該將軍飭令弁兵試為演放。如果致遠有準。即著每歲同子母礮出演備放。儻不能適用。即行存貯。欽此。遵旨覆奏。九節十成銅礮致遠八九里。咸遠礮致遠五六里。均堪適用。每歲隨同子母礮將咸遠礮全行演放。九節十成礮按年輪流出演一尊。○又咨

准。錦州正白旗界松山屯。竈出鐵礮一尊。長二
尺八寸五分。大徑六寸。小徑五寸五分。裏口二
寸五分。瓶子三道。當經運赴小馬蹏溝海口。交
該處堵禦官弁妥協安設。○又奏准。江西省寶
昌局酌撥銅斤解赴廣東省佛山鎮興鑄三千
斤重銅礮二十尊。每礮一位。用火藥一百二十
兩。鉛子一百八十兩。其子透過兩層皮靶。仍行
三里有餘。○又奏准。江西省營內檢出舊存一
千斤重鐵礮五尊。火藥六千斤。鉛丸一萬二十
斤。大繩四十盤。運解南安糧臺。聽候粵省調用。

○又造辦處換鑄金州水師營母礮十八位。子
礮九十箇。○二十二年奏准密雲駐防旗營添
設擡槍八十杆。應需藥鉛火繩。由本營自行籌
辦。○又奏准。

盛京製造飛廉箭八百枝。分交金州復州海口備
用。○又奏准。西安滿洲營炸壞子母礮十二位。
銷毀另鑄。其炸壞之劈山礮四位。暨不堪適用
之劈礮一位。銷毀改鑄子母礮。○又奏准。金州
設有新鑄八千斤大礮二位。五千斤至二十五
百斤礮六位。舊存大礮一位。該城離海口切近。

俱運進城中。見屋存儲。復州設有新鑄八千斤
大礮二位。五千斤至二千五百斤礮六位。舊存
大礮二位。該城距海口較遠。在娘娘宮要口適
中之羊官屯建屋存儲。錦州設有新鑄五千斤
至三千斤礮四位。舊存大礮二位。該城距海口
甚遠。在天橋廠海口適中之杏山建屋存儲。其
餘蓋州設有新鑄三千斤礮一位。二千五百斤
礮一位。舊存大礮二位。該處惟連雲島毗連海
口。在適中之海山寨建屋存儲。牛莊設有新鑄
二千五百斤礮一位。該城距海口較遠。在沒溝

營要口適中之藍旗口。建屋存儲。熊岳設有新
鑄二千五百斤礮一位。該城距海口切近。運進
城中覓屋存儲。岫巖設有新鑄三十斤礮二位。
二十五百斤礮一位。舊存大礮一位。運至該城
覓屋存儲。甯遠設有新鑄四千斤礮一位。三千
斤礮一位。舊存大礮一位。在該城之釣魚臺。建
屋存儲。均於每年春秋二季。按礮演放三出。以
免鎊滯。至各處之一千五百斤至百斤內外礮
八十五位。在附近海口房間分儲數位。餘俱運
赴各城。以備隨時調撥。○又奏准。

盛京八門。原設有二千餘斤大礮八位。並有遠年
庫存大礮一位。連新鑄礮位。合計大小礮三十
四位。尚敷防守。再添鑄擡槍百杆。以便現演擡
槍陣式之用。○二十三年奏准。乍浦旗營裁撤。
舊設之劈山礮。子母礮十六位。添置擡礮八十
位。原設鳥槍一千五百五十杆。裁減七百五十
杆。擬定陣式。選派官兵數人來省。隨同杭州滿
營學習。○又奏准。廣東省解浙大礮二十位。留
杭八位。餘十二位。交浙江巡撫擇礮臺扼要處
安設。○又奏准。杭州小紅衣礮十位。演放不能

得力。換設擡礮二十位。○又

諭文祥奏酌添擡礮一摺。涼州莊浪各旗官兵額設擡

礮較少。准其於涼州十旗。每旗各添擡礮二杆。莊浪

五旗。每旗各添擡礮二杆。○二十四年。造辦處換鑄

齊齊哈爾大器營神威將軍礮五位。○二十五

年。江甯鑄造銅礮四十尊。並將子母礮三十尊。

每尊添礮子五箇。○二十六年。青州駐防旗營。

捐製跳機鳥槍四百杆。○又造辦處換鑄黑龍

江子母礮二尊。○又甯夏滿營。照西安式樣。添

造擡槍四十杆。每杆重二十斤。○又西甯滿營。

捐製擡礮二十五尊。擡槍二十五杆。○二十七年。甘肅省涼州營添設擡槍三十杆。莊浪營添設擡槍十五杆。○又奏准阿克蘇武庫存儲葉爾羌咨調哈密鳥槍二百杆。吐魯番鳥槍五百杆。並隨槍什物。○二十八年奏准滿洲火器營所儲子母神捷礮位於秋季運往盧溝橋。自九月初七日起至十一日止演放五日。○又奏准浙江省城乍浦各廠鑄成大小銅礮八十四門。鐵礮四十門。擡礮並神機過山龍礮共三百杆。礮彈六十出。礮車架蓋一百二十副。過山龍礮

架一百副。隨礮什物八百六十八件。○又兩廣總督撥駐防滿營。摟槍五百杆。○又西甯滿營。製造摟槍一百杆。○又烏魯木齊。捐鑄摟礮一百尊。○又綏遠城添設摟礮五十尊。摟槍五十杆。○又熱河添製鳥槍三百杆。○三十年。熱河添製鳥槍三百杆。○又

盛京所屬之雙島守汎。撈拾鐵礮一尊。重一百五十餘斤。○咸豐元年議准。閩省各營。於善後案內。添製摟礮四十零十一杆。除先經鑄造共存九百六十四杆外。實添製摟礮三千零四十七

杆。○又江西省標三營。捐製撞槍八十杆。○又奏准。河南省捐製撞礮六百杆。鳥槍四百杆。除解赴廣西省軍營備用外。現存撞礮五百杆。鳥槍四百杆。分撥撫標左營。暨開封營逐日操演。○又議准。山海關所屬羅文峪永平府二處旗營。添設鳥槍二十杆。分撥各該防守尉嚴加教演。○又議准。乍浦滿營。除原設鳥槍二百九杆。尚屬合用外。其餘五百九十一杆。仍照健銳營鳥槍之式。交地方官一律改造。○又咨准。

盛京牛莊南關城根起獲鐵礮一尊。重五十七斤。

十里河起獲大銅礮六尊。每尊約重五十斤。小銅礮四尊。每尊重八斤四兩。均造入存儲礮位冊內。彙總報部。○二年。四川省捐鑄劈山礮二百尊。○又江蘇省捐辦外洋連環馬礮六百一十尊。彈子三千五百斤。火藥三千斤。○又巴里坤領隊大臣捐製擡槍二十杆。古城領隊大臣捐製擡槍二十杆。○三年。造辦處換鑄齊齊哈爾火器營子母礮一位。○四年。伊犁添造威遠礮八位。擡礮八十六位。擡槍一百二十四杆。○又甯夏滿營。捐造擡槍一百杆。○又成都滿營。

捐造擡礮四十八杆。○又福州協領等公同捐
造六百斤重礮八位。礮彈一千出。○又河南省
捐造鳥槍五百杆。擡礮五百杆。○又順天府四
路捕盜廳頒發鳥槍一百二十杆。○又黑龍江
換領六號子母礮一位。○五年奏准伊犁庫內
挑出大小壞銅礮六位。鎔化得銅五百三十斤。
又購紅銅二千四百四十六斤。鑄成大礮二尊。
每尊重一千四百八十八斤。並將新鑄大銅礮
二尊。暨舊有神機礮一位。銅礮六位。威遠礮十
八位。巴燕岱銅礮四位。各製礮車一輛。價銀由

該將軍捐辦。○又奏准西藏庫存勞山礮子。不數操演。在庫儲五錢重鉛子內。動撥一萬五千六百顆。改鑄六兩重礮子一千三百顆。以備一年之用。○又造辦處撥換黑龍江子母礮一位。○六年。陝西省捐製鳥槍一千杆。○又山西省捐製大小銅礮一百五尊。礮車俱全。○七年。新鑄礮位。並舊存神捷礮位。分存火器營漢軍八旗。計鑲黃旗漢軍存九千斤威武制勝大將軍銅礮一位。二千斤無敵銅礮一位。一千五百斤銅噴礮一位。六百五十斤制勝銅礮二位。一百

五十斤神捷銅礮五位。三千斤鐵噴礮二位。六
百斤鐵礮一位。捐輸洋鐵礮五位。重自一百八
十斤至八百八十斤。軍營帶回洋鐵礮三位。每
位重一百四十斤。熟鐵礮八位。每位重一百四
十五斤。正黃旗漢軍存九千斤八千斤威武制
勝大將軍銅礮各一位。二千斤無敵銅礮一位。
一千五百斤銅噴礮一位。六百五十斤制勝銅
礮二位。一百五十斤神捷銅礮四位。三千斤鐵
噴礮四位。六百斤二百斤鐵礮各一位。一千一
百三十斤六百五十斤四百六十斤捐輸洋鐵

礮各一位。軍營帶回洋鐵礮三位。各重一百四十斤。熟鐵礮九位。各重一百四十五斤。正白旗漢軍存九千斤威武制勝大將軍銅礮一位。二千斤無敵銅礮一位。一千五百斤銅噴礮一位。六百五十斤制勝銅礮二位。一百五十斤神捷銅礮四位。三千斤鐵噴礮二位。六百斤鐵礮一位。捐輸洋鐵礮一千零六十斤者一位。六百斤者二位。三百斤者一位。軍營帶回一百四十斤洋鐵礮三位。一百四十五斤熟鐵礮九位。正紅旗漢軍存一萬斤八千斤威武制勝大將軍銅

礮各一位。二千斤無敵銅礮一位。一千五百斤
銅噴礮一位。六百五十斤制勝銅礮二位。一
百五十斤神捷銅礮四位。三十斤鐵噴礮四位。二
百斤鐵礮一位。捐輸洋鐵礮四位。重自三百斤
至一千六百斤。軍營帶回洋鐵礮三位。各重一
百四十斤。熟鐵礮九位。各重一百四十五斤。鑄
白旗漢軍存九千斤威武制勝大將軍銅礮一
位。二千斤無敵銅礮一位。一千五百斤銅噴礮
一位。六百五十斤制勝銅礮二位。一百五十斤
神捷銅礮五位。三千斤鐵噴礮二位。二百斤鐵

礮二位。一千零六十斤捐輸洋鐵礮四位。軍營
帶回洋鐵礮二位。各重一百四十斤。熟鐵礮八
位。各重一百四十五斤。鑲紅旗漢軍存一萬斤。
威武制勝大將軍銅礮一位。二十斤無敵銅礮
一位。一千五百斤銅噴礮一位。六百五十斤制
勝銅礮二位。一百五十斤神捷銅礮四位。三
千斤鐵噴礮二位。六百斤鐵礮一位。捐輸洋鐵礮
六位。重自一百八十斤至一千六百斤。軍營帶
回洋鐵礮三位。各重一百四十斤。熟鐵礮九位。
各重一百四十五斤。正藍旗漢軍存一萬斤威

武制勝大將軍銅礮一位。二千斤無敵銅礮一位。一千五百斤銅噴礮一位。六百五十斤制勝銅礮二位。一百五十斤神捷銅礮五位。三千斤鐵噴礮二位。二百斤鐵礮二位。一千一百三十斤七百九十斤。四百六十斤。捐輸洋鐵礮各一位。軍營帶回洋鐵礮三位。各重一百四十斤。熟鐵礮九位。各重一百四十五斤。鑲藍旗漢軍存一萬斤威武制勝大將軍銅礮一位。二千斤無敵銅礮一位。一千五百斤銅噴礮一位。六百五十斤制勝銅礮二位。一百五十斤神捷銅礮四

位。三千斤鐵噴礮二位。六百斤二百斤鐵礮各一位。捐輸洋鐵礮四位。重自四百斤至一千四百四十斤。軍營帶回洋鐵礮三位。各重一百四十斤。熟鐵礮九位。各重一百四十五斤。排槍每旗分存百杆。又神捷礮二十位。各重二百五十斤。熟鐵礮三十位。各重一百四十五斤。銅藥碾八箇。排槍二百杆。補造大插子槍一百六十杆。及地雷炸子機礮等項。存火器營。補造劈山礮二十四位。存外火器營。藥碾八箇。分存內外火器營。○八年奏准。江蘇省購買一千餘斤礮六

尊。八百斤礮二尊。六百餘斤礮三十二尊。五百六十斤礮二尊。共四十二尊。解赴廬州軍營。○又奏准。山海關新設擡槍四十杆。應需藥鉛。自咸豐九年起。由工部支領。○又密雲駐防旗營。捐製打靶牌槍二百四十杆。○又奏准。直隸省捐造六百斤重鐵礮五百尊。解赴天津分撥應用。○又奏准。四川省捐造小銅礮二十尊。小鐵礮二十尊。名其礮曰威聲礮。酌改陣式曰威聲陣。○十年奏准。陝甘二省捐製鳥槍四百杆。擡礮二百杆。○又奏准。安徽省苦調陝甘督標五

營庫存鳥槍二百杆。擡礮一百杆。○又奏准。金州屬之丁關寨庫存四千餘斤鐵信銅礮。復州屬之娘娘宮海口。舊設七千餘斤鐵信銅礮各一尊。水師營發煩礮重二三百斤者十三尊。運往田莊台南北兩岸備用。○又奏准。山東省捐製擡礮一百尊。擡槍二十杆。分撥登州海口。及省城備用。○又奏准。奉天省添造擡槍一百杆。鳥槍四百杆。紅衣礮一千二百杆。工價銀兩。由捐輸閒款項下動支。○十一年。造辦處撥換金州水師營子母礮十八位。○同治元年奏准。八

旗技勇營兵丁。加增鳥槍八百杆。添設擡槍一百六十杆。飭令帶隊章京督飭練習。○二年奏准。直隸省洋商捐置二十數百斤洋礮二尊。五百斤至七百斤洋礮六尊。二百二十斤至三百五十斤洋礮三十四尊。共四十二尊。均經演放利用。○又奏准。由天津捐存七百斤洋鐵礮二尊。配造礮車。運往威縣。並彙齊該處軍營現存之八百四十斤大炸礮二尊。車二輛。解赴河南軍營。○又奏准。英吉沙爾城。上下共設礮臺十三座。向有大神礮二尊。長勝車礮四尊。茲又捐

製大神礮二尊。劈山礮二尊。修理庫存撞槍十
杆。鳥槍二十九杆。買獲鐵鑄大神礮封口五百
出。庫內舊存鉛鑄劈山礮封口一千出。○又造
辦處撥換隨船子母礮十八位。○又議准順天
四路捕盜營。每路准其添設兵丁一百名。經制
額外外委各二員。四路共需添設撞槍三十二
杆。鳥槍四百杆。初次鉛丸二十四百斤。○三年
奏准。安徽省軍營礮船裁撤。現存大礮三十尊。
大洋礮十尊。開花礮二尊。大洋槍四百杆。大洋
火四萬箇。洋藥二百瓶。運解河南軍營備用。○

又奏准歸化城土默特左右兩翼修造鳥槍三百杆。又添造二百杆。○又造辦處撥換熱河鑲藍旗滿洲子母礮一位。○四年奏准杭州將軍國瑞前在軍營鑄造一千斤無敵礮銅礮二尊。神捷銅礮六尊。神功銅礮一尊。制勝礮一尊。運京交內火器營收存。○五年奏准選取馬蘭鎮營內子母礮位照式製造五十尊。責成巡捕五營員弁勤加演習。○又奏准造辦處奏調巡捕五營舊存子母礮十二尊。復造虎鈐礮二十尊。子母礮照例每月操演六次。演打鉛丸一次。虎

鈐礮每月操演九次。演打鉛丸三次。所需藥鉛。
按月行文工部領取。九年奏准。色薩托清一
帶。河道綿長。由歸綏道捐造礮船十隻。小鐵礮
六十尊。隨船隨礮什物俱全。工料價值免其造
報。十年議准。閩省添製重四十斤天門礮一
千門。每營撥給二十門。以資演習。十三年奏
准。山東省購買各項快槍四千三百九十杆。並
大鋼礮一尊。大格林礮十尊。大水雷二十箇。隨
帶子藥機器。交登州鎮總兵官收用。又奏准。
烏魯木齊調取綏遠城製造擡槍三百杆。並隨

槍配帶等件。光緒元年議准。黑龍江添練西
丹兵四千名。給鳥槍二千杆。每年春秋各演練
六十日。○又奏准。以西丹一千名習射。三千名
演槍。由部按年撥大藥七千七百二十餘斤。烘
藥七十餘斤。鉛丸三千七十餘斤。○又奏准。閩
省船局第十六號元凱輪船。調赴甯波甬江洋
面巡緝。原船配礮三尊。又添購外洋礮六尊。每
尊約重二十餘斤。○又奏准。錦州添設洋槍二
百杆。常川演練。○二年奏准。

興京添設領催兵四百六十八名。置備擡槍四十

八杆鳥槍紅衣礮二百杆。操演次數出數照省城春秋二季之例。需用藥鉛歸

盛京工部年例內添造撥發。○又咨准天津大沽北塘等處礮臺安設洋礮採買銅管門火四千枝。木信三千一百九十箇。空心炸子三千三百顆。十二磅銅田雞礮四尊。修整英來福馬槍三百杆。雙響手槍一百杆。採買青鉛四萬八十七百七十斤。○三年奏准直隸省添購德國克鹿卜後門四磅銅礮一尊。及前車零件子藥箱。○又議准金州水師營更換鳥槍二百十杆。仿照

直隸省做法例價自行製造。○又奏准黑龍江動款添製鳥槍六百杆。以資演練。○六年奏准金州舊存洋鐵礮二尊。改造礮車二輛。由練兵內挑派十名。作為礮兵。並添礮馬四匹。○九年奏准廣州旗營設立洋槍隊兵一千五百名。定為中左右三營。由該將軍自行捐辦洋槍一千一百五十杆。後膛洋礮十八尊。免其造報。○又奏准。粵省自光緒三年以後。先後採買外洋前膛洋槍七千五百枝。各種後膛快槍二千九百枝。前後膛洋鋼礮十五位。洋鐵礮八十五位。均

發交各營。及分撥各礮臺安配演習。○十年議准。黑龍江練軍演練。擡槍四百九十杆。鳥槍一千零四十杆。洋槍一千五百杆。由神機營領到常勝礮七百尊。內演用二百五十尊。其擡槍洋槍鉛丸。准按揀五銷五。其餘仍照例揀七銷三。○又奏准。粵省購買浮沈水雷電線。並攻擊之魚雷二十尾。均在黃埔設局教演。○又奏准。兩江軍營撥給滇省水雷四十枚。由海道運往廣東轉解。

欽定大清會典事例卷九百

工部

雜料

鑄造
屁

陶器
車軸

革席
雜料價值

竿繩
領取器具

檻城

火燭

燈籠

輪

鑄造○順治初年定各處需用銅缸銅鍋銅櫃

鼎鑪鐵竈龕門鐵瓶壽山福海雲牌更鑼等項

給發工料令匠鑄造○又定各衙門工所需用

紅銅生熟黃銅生熟銅錢咨取到部轉行戶部

給發○又定各處需用鍋杓火盆瓶罐鐵絲鏹

刀鎚櫈等項委筆帖式督令鋪戶按咨取數目

覈照定價辦給○又定各處需用煤砟令鋪戶

辦買。數給價值。○又定直省藩司鹽政關差應
用法馬。戶部咨取到部令匠鑄造交戶部較準
頒發。○又定廣東省鐵鍋口徑二尺以上者由
部移文廣東巡撫辦解交部儲庫以備各處取
用其口徑二尺以下者按尺寸大小數給價值
市買給發。綫沿扳沿生鐵鍋口徑三尺五寸以
上者於戶部領鐵鑄造三尺五寸以下者遇用
按定價買給。○十二年鑄鐵牌十有三面設內
務府十三院衙門。○又鑄鐵斛二十。一存戶部。
一發倉場。一發漕運總督。餘頒直省各布政使

司○十三年題准

乾清宮應用琉璃瓦料黑鉛。令河南山西辦解。其各宮應用瓦料黑鉛。由部令鋪戶辦買。照時給價。○康熙三年定錢糧歸併戶部需用黑鉛。移文戶部支取。○十四年定舊例內外各衙門工所。取用戥秤。皆行大興宛平二縣取給。嗣後由部令秤匠造辦。給予定價。○雍正五年奉

旨。福建總督奏稱布政使司庫止有部頒法馬一副。彈兌紛繁。將銅日久消磨。分數漸輕。以致各屬收解錢糧輕重不等。請將部法一樣頒給二副。一副存庫。一

副應用循環繳換朕恩部中所頒法馬乃輕重各宜之式樣與頒發鐵斛事同一例各省布政使司領到自然照式較準不失毫釐置成法馬日日彈用並令各屬地方畫一遵守其或有出納之際加重減輕者皆當嚴察參處此乃經常之道豈有錢糧總匯之布政使司出入繁多專以部法一副日日彈用以致銅質消磨輕重失實之理且部中循環更換亦不勝其煩著通行各省儻有如閩省常用將銅磨輕與原頒分兩不符者即行咨部換給○八年覆准徵漕樣斛

各省未能畫一應將戶部移交鐵斛較明一律

平準照式鑄造九解。仍令戶部較準給發總漕。
轉發各省糧道遵行。十年奏准。戶部兌收各
省錢糧全憑法馬。若稍不較準。不惟外省解項
勢難畫一。而戶部庫官亦得藉以輕重其手。應
將庫存經制法馬一副。計五百三百二百兩者
各一交與工部。按照省分依式鑄造正副法馬
共百有二副。移送戶部較準。鐫刻印記。每省頒
給正副法馬各一副。令各省督撫轉行藩司鹽
政關差委官赴部請領。候新法頒到。舊法即送
部銷毀。乾隆五十一年議定。各省法馬為錢

糧出入攸關設立正副兩法原為比較分兩不使輕重參差致滋弊端僥正法兌用日久與所儲副法分兩不符即以副法兌放將不符正法委員送部換鑄今各處領用前項法馬多有以正副兩法一同送部請換者並未遵照舊例辦理嗣後各省如果正法年久磨輕即將副法兌收兌放將不符正法送部詳較換鑄如副法亦因用久磨輕再行聲明報部請換不得仍以正副兩法一同請換○六十年議定各省收放錢糧全以部頒法馬為憑向來各省領用法馬工

部製竣委派司員會同戶部司員並該委員三面眼同照依戶部祖法較準出具並無絲毫不符甘結始行給發開用近來各省竟有未經赴部請領率行仿照舊庫法馬私自體鑄者恐滋弊竊嗣後各省自道庫以上以及藩臬鹽政關差不得仍前在外體鑄其有在外體鑄未經請換者速即委員赴部繳銷另行領用以歸畫一○嘉慶四年奏准京通各倉例有部頒鐵斛一張所用木斛俱用鐵斛較準烙印方准量用惟內務府官三倉及恩豐倉所用木斛係木與鐵

斛較準。以致交收米石。往往彼此爭執。所有內務府官三倉恩豐倉。並無部頒鐵斛。應一體製造鐵斛二張。較準頒發。以憑建造木斛較用。如有參差。令交米收米人員。眼同較對鐵斛。平攢兌收。永杜爭端。以昭慎重。○六年議准。西安滿營官兵。每月應支俸餉。由西安藩庫法馬支領。發放。並無部頒法馬。其輕重無憑較對。又每月應支豆料米石。由陝西督糧道倉斛斗支領分放。亦無部頒斛斗。均無憑較對。經部鑄造一分起至百兩止。法馬一分。木斛斗一分。較準頒發。

西安滿營應用以憑兌放。十年奉

旨據緼布等奏平兌撥解盛京銀兩並無短缺情形一
摺此項部庫及廣儲司兌發銀兩富俊等因不知部
庫每銀千兩例扣平餘銀二兩及盛京銀庫法馬每
銀千兩較部庫廣儲司加重二兩是以疑有短缺並
誤認此項銀兩作為永遠存貯礙難交代奏請派員
平兌尚係為慎重帑項起見現經緼布等彈兌數算
並無短缺所有此項銀兩即交該將軍等留為支放
兵餉之用毋庸入於永遠存貯項下至法馬分兩原
應輕重一律平兌方無舛錯今盛京銀庫法馬較部

庫法馬。每千兩重至二兩。且聞吉林黑龍江法馬較盛京尤重。似此參差不齊。於出納向稽殊有關繫。所有盛京黑龍江吉林等處法馬。著即撤回工部查銷。該部另將較準法馬領給。以歸畫一。十九年議定。各省暨京城各衙門所用大小官秤盤秤鍤秤。均須由部領取。交直年官辦買。與戶部祖秤比較合式。然後發給。向例秤杆釘有工部字樣。而秤鍤之輕重原無一定。誠恐不肖書吏潛以他錘易之。巧為軒輊。不可不防其漸嗣後發給各處官秤鍤。鑄就某年工部製造重幾斤字樣。所

有秤錘輕重。一同較對。並於秤杆上。將此秤之
錘重幾斤。釘明。遇有行取之時。照例與戶部祖
秤較對。釘星庶不致為庫使關胥所愚。其秤錘
秤鉤交左右兩翼。查照細活成例打造。秤杆仍
交直年官製辦。
一百斤榆木秤杆長四尺五寸。錘重五寸。錘重六斤。三百斤榆木秤杆長四尺五寸。錘重八斤。四百斤榆木秤杆長五尺五寸。錘重十斤。五百斤榆木秤杆長六尺。錘重十二斤。秤杆準木尺。秤錘準庫平。二十五斤榆木盤秤杆長二尺六寸。錘重一斤八兩。秤銅盤重十四兩。秤杆提繫向用麻绳。粗細不一。且難經久。請仿
戶部祖秤。用鐵屈戌上套大鐵環。以備○二十
穿橫之用。其秤鉤用屈戌鐵鍊拴挂。

三年奏准太僕寺官馬向有部頒鐵截以為印

烙今僅有八把未免支絀應轉行工部如式添
造十二把○道光元年

諭御史文肅等請換庫秤一摺銀庫設有官秤原應輕
重適均不可稍有欹側茲據該御史等驗明大秤二
架小秤一架年久磨鎔奏請造換著工部即派員另
行製造較準另換其未造成以前先將舊秤整理以
供收放法馬四副俟新秤造換後再行比較以昭覈
實○三年定

東陵

西陵行取倉斗倉升天平秤戥由工部辦造妥協會同

戶部較準驗明給發。九年

諭戶部覈覆屠之申奏。請製造新斛一摺。著照所議易州倉斛一套。由倉場衙門如式製就。較準烙印並咨行工部製備斛斗一套。一併送交戶部與部存祖斛三面較準。分頒易州及承辦事務衙門以昭畫一。其舊斛均即送部拆毀。自此次製備之後。各宜加意收貯。不得捐製。以致斛面增添。十四年議准。各處所用法馬例由部發行。知各督撫關稅監督有無在外體鑄之處。報部分別覈辦。又浙江兩淮鹽政應領副法並揚由二關應領部移。已經報部。

製換而未請領者。仍行知赴部請領。以符定制。
○十六年議定。頒發各處行取官秤。用庫存祖
法六塊。每塊重五十斤。由派出較杆司員率領
匠役。帶往顏料庫會同戶部派出司員暨委員。
三面眼同較準。頒發事竣。仍將祖法運回儲庫。
○三十年議准。

盛京沒溝營田莊台二處。設官斗六百零四面。新
民屯設官斗一百八十三面。官秤二十四杆。照
例輸納課稅。並免設斗紀。以絕把持之弊。其式
樣仍照該處舊有斗秤製造烙印頒發。從前私

斗私秤。儘數銷毀。如再有私增斗秤等弊。即行懲辦。○同治三年議准火藥局奏添製鐵礮七盤。銅輪八箇。每盤重二千二百斤。工料銀一百零五兩六錢。銅輪八箇。每箇重三百六十斤。並碾架鐵管心。全分工料銀一百十八兩八錢。由節慎庫按照市價全發實銀。他工不得援以為例。○九年奉

旨。各直省所用木斛。俱用部頒鐵斛。較準烙印。方准量用。斗升亦遵照部頒鐵斗。鐵升程式。如有不遵定制。擅用私斛斗升等弊。由地方官一體嚴禁。

陶器○順治初年定直隸省曲陽縣歲徵瓷磚折價並水腳銀一千一百四十兩六錢五分八釐解部移送光祿寺○三年定河南省歲解本色瓷磚六百石磨一副交部備用○八年題准外解瓷磚改折採買○康熙三年定錢糧歸併戶部如遇需用瓷磚等項由部辦給○又定白口缸鰍沿缸及地缸大小瓷盆如遇各處取用皆按口徑身高大小尺寸數價買給○嘉慶十九年定鉛子庫向設大缸十口不敷盛用添置十口○道光三年定

東陵

西陵行取大缸地缸照例價發給。令自行採辦。以省運費。

葦席竿繩。○舊例。內務府各部院寺衙門並各工所及外藩來使需用葦席竹竿。皆於惜薪廠取用。綫麻蘚麻繩索。均令鋪戶辦給。照時給價。○雍正五年題准。各工取用葦席竹竿等件。從前拆卸繳回。並未定有成數。多致混淆。嗣後如係天棚。時日既久。新席繳回五成。新竿繳回八成。舊席舊竿免其繳回。餘棚搭蓋不久。新席新

竿繳回九成。舊席繳回五成。舊竿繳回八成。均於完工之日定限十日內繳回。惜薪廠如不按期照數繳回。或將破爛席竿攬入者。該管官報明。將管工官指名題參。麻繩在一月以內者。大繩交回八成。一月以外。每月遞減一斤。紮縛繩交回七成。連二繩交回六成。一月以外。遞減二斤。均交收掌所存儲用。至三次者作麻刀應用。

○嘉慶十年定綏遠城將軍衙門旗杆上大旗一扇。拉旗大繩二根。槍二箇。共准銷銀八兩四錢七分。

幔城○順治初年定。凡遇

聖駕行幸。由部備用黃油木城隨營設立。回時交木倉收儲。○康熙十年奉

旨。木城繁重。著停止。用黃布幔城。欽此。遵

旨議定。嗣後止用黃布幔城。網城施以釘櫬椿柱。由部備造。遇有需用。武備院定數各取。皆於木倉及庫存給發。如有不敷。並年久應修。除黃布綫麻顏料平鐵。行文戶部支取外。榆木工價染價。由部叢給委官督令鋪戶成造。○嘉慶二十年奉

定

巡幸木蘭向來大營舊制係用白布城帳房兩層。內層帳房之內即係網城嗣後於外層帳房之內再添網城一重。網目改用方經四寸上下共繩四道下面俱加繩槭計於舊制二百五十片之外酌加網城三百五十片。○又議准嗣後每年中正殿

紫光閣

山高水長及

選看秀女需用黃布城皆由本部派員領取官車運送並由各旗將丈尺數目先行備取印領攜赴

支搭處所俟本部派員運送到彼點交該營派
出之員收明即將印領交本部運員帶回事畢
拆卸後原派支搭之員將布城點交本部原運
之員收回仍將印領給還各該營查銷儻有短
缺即令原經手支搭之員同本部運員赴部出
具短少甘結以便辦理椿櫟等項事同一律亦
應查照覈辦○咸豐十一年。

梓宮回京豫備白布城等項帳房庫存不敷應添製四
百餘架惟例價每架工料銀七兩二錢五分七
毫萬難製造按照市價每架給銀十兩二錢。

駝屨○原定凡遇

聖駕巡幸。由武備院上駟院太僕寺各衙門咨部取用。以載供奉。

御用器具及布城椿櫈等項。皆備造儲庫。需用時。照數給發。○乾隆十八年議准。嗣後武備院太僕寺等處咨取駝屨。如工料價值數在二百兩以外者。不得援照隨壞隨辦之例。委官造備。令該司將庫存不敷必需增辦之處。聲明具奏。或委官。或令該堂官查驗明確。再行補造。至修補布城帳房等項。亦均照此辦理。○嘉慶二十二年

定八旗護軍統領及上駟院武備院等處。每逢
謁

陵並

巡幸各處。沿途豫備應用氈草屨等項。俟

回鑾後於二十日內儘數完交。儻過限不交。或與原
領不符。即將承領之員參辦。

車輛○順治四年定。八旗礮車所需木料。令山
東省各府採辦。運赴盔甲廠製造。由部給發工
價○十五年題准。戰車礮車。由部承辦。其解送
人口及裝載物料。各衙門取用大小車。於兵部

車駕司取用。○十六年定裝載木城車行令山
西省照式製造。○康熙三年議准。

咸京

福陵

昭陵石料行取直隸山東山西三省四輪車各一百三十五輛每車贏二十頭每贏一頭給銀七兩如有倒薨每頭給銀十五兩車夫各給銀五兩免其雜差草料工食沿途支給回日每車仍給修理銀十兩。○四年題准。

孝陵裝載石料需用之車由部給價雇覈。○十年題准。

修理八旗礮車棉廩車所需木植行令直隸山東二省採辦。工料由部給發。顏料由戶部領給。
○十六年議准各工所運送物料。給車八十輛。每車連韁屨繩索等項。給銀二兩。車夫月給銀四錢五分。米九斗。馬每匹日給豆六斗。草二束。
○五十九年覆准裝送

盛京物料。停止驛車。令雇車載運。每車給銀二兩。
○雍正七年題准額設各工馬車。止存留十輛。運送木倉簾子庫物料。餘車均裁。
○乾隆十七年議准官車馬匹。係供木倉簾子庫運送物

件之用。仍照舊存留應差。其聽事馬二匹。各部院皆無。一例裁去。繳還馬價。停支草豆。並減餽馬人役一名。計額存車九輛。馬十有八匹。餽馬人役九名。○二十三年修理八旗礮車奉

旨。礮車作為五年一次小修。十年一次大修。○二十八年奏准。運送黑龍江等處旗纛。礮位。腰刀等項。折價給值。自行雇車運往。其運送綏遠城等處火藥等項。由沿途驛站車輛應付運往。○又奏定。八旗礮車。自二十三年奉

旨之日起。扣至本年。覈與小修之例相符。工部堂官揀

派司員前往各旗將礮車審明損壞處所詳細
查看。開單呈遞。按照查覈。約需物料銀兩及工
價錢文。揀委司員加意拆卸。撙節修理。至車輛
俱係牽連搭鉤。拆修起換。一切物料。每致牽動
損壞。其續行添用之工料。必俟拆卸時。方可覈
定確數。工竣之日。將實在用過工料銀錢。據實
造冊題銷。四十五年奏准。五百斤以上等礮
堅築土臺操演。停用礮車。五十五年覆准。四
五百斤礮位。施演向例。用車安放。今改築土臺。
一經震動歪斜。反不得準。且礮車俱在礮營存

備日久不用。轉致朽損。嗣後仍照舊制用礮車。安放較為便捷。○道光二十一年奏准。山海關添造礮車。由直隸總督製造十五輛。差弁運關。○光緒七年奏准。工部每季拉車馬匹草豆銀。每兩按一成五釐支給。

雜料價值。○原定銅器大馬杓。口徑一尺。重一斤。銀三錢三分。小馬杓。口徑五六寸。重八兩。銀一錢六分五釐。紅銅鍋。係鐵口耳環。每斤銀二錢三分。紅銅鉗子。每斤銀三錢三分。銅滑車。挖轆。每斤銀二錢七分。大小銅法馬。每斤銀二錢。

七分銅鎖重一斤。每把銀四錢。重十兩。銀二錢。
五分重六兩。銀一錢五分。燭翦。每把重二兩。銀
五分。燭罐。每箇重六兩。銀一錢五分。匙長一尺。
重四兩。每箇銀一錢。炙硯重一斤三兩。每箇銀
四錢。角硯。每箇重四兩。銀一錢。紅銅帽項重六
錢。每箇銀一分八釐。桿皮槍帽銅托。圓徑六寸
六分。每箇銀六分。銅火筋。長七寸。每副銀五分。
打造熟銅器皿。銅本工料。每斤銀三錢八分。鑄
造銅器。淨銅百斤。連工料銀二十五兩六錢九
釐。紅黃銅絲。每斤銀三錢八分。紅黃銅葉。每斤

銀二錢三分。銅飾件。每斤銀二錢三分。小釘。每百箇銀一錢一分七釐。生銅。每斤銀一錢八分。
熟銅。每斤銀二錢三分。白銅。每斤銀一兩四錢。
色不足者。按成遞減。鐵器板沿鍋。口徑三尺四寸。每口銀二兩二錢九分五釐。口徑三尺。銀二兩二分五釐。口徑二尺四寸。銀一兩六錢二分。
口徑二尺。銀一兩三錢五分。大西鐵鍋。口徑三尺五寸。銀一兩二錢二分五釐。口徑三尺。銀一兩五分。口徑二尺五寸。銀八錢七分五釐。大廣鍋。口徑二尺。每口銀一兩五錢。小廣鍋。口徑一

尺七寸。每口銀六錢。獲鹿鍋。口徑二尺四寸。每口銀六錢五分。大無錫鍋。口徑二尺三寸。每口銀八錢。小無錫鍋。口徑一尺二三寸。銀二錢五分。小鐵鍋。口徑一尺二三寸。每口銀三錢一分五釐。大鐵杓。口徑一尺。銀二錢八分。小杓。口徑六七寸。銀一錢一分七釐。大號鐵馬杓。口徑八寸。重一斤。銀一錢一分。二號鐵馬杓。口徑五六寸。銀八分。小馬杓。口徑三四寸。銀一分五釐。大鐵火盆。重四十斤。每箇銀九錢。重二十二斤。每箇銀四錢九分五釐。小鐵火盆。重十斤。每箇銀

二錢二分五釐。生鐵鑄重一斤。銀三分六釐。熟
鐵釘板等項。每斤銀四分五釐。鐵火鏃子。長一
尺。銀四分火箸。長八寸。每副銀三分。裁刀。長一
尺三寸。闊一寸。銀四錢。彎刀。長一尺四寸。闊二
寸五分。銀一錢八分。頭號斧。籌徑尺一寸。每把
銀二錢。二號徑九寸。銀一錢五分。三號徑七寸。
銀一錢二分。大鉗刀。長三尺。每副銀一兩二錢。
小鉗刀。長二尺五寸。每副銀七錢七分。金捶。重
一斤四兩。每把銀一錢。金鉗。每斤銀二分。大斧。
每把重一斤。銀一錢八釐。小斧。每把重十兩。銀

七分二釐大鐵提鑪。長一尺五寸。高七寸。闊九寸。每箇銀六錢。長一尺。高六寸。闊七寸。銀四錢五分。鐵炙硯。重一斤六兩。銀一錢五分。重一斤。銀一錢。庫刀菜刀。各重一斤。均銀一錢。羊毛翦。每把重十二兩。銀二錢。燭翦。每把長四寸。銀三分。簾刀。每把重十二兩。銀七分。鐵悶鎗。每箇重二斤四兩。銀二錢七分。鐵鎖。長四寸。銀八分。長三寸。銀六分。二寸。銀二分。八釐三毫五絲。方鎖。長三寸二分。銀四分。雙絲鎧籠。高一尺四寸。徑一尺二寸。每箇銀四錢五分。高八寸。徑五寸。每

箇銀一錢八分。草絲大燈籠每箇銀二錢五分。
小燈籠每箇銀七分。大摺疊鐵絲燈籠每箇銀
一兩八錢。鳥槍鐵砂每斤銀一錢四分。冰鑑每
箇重七兩。銀四分五釐。鍋鍤每把重六兩。銀二
分。二號鐵鍤每塊銀六釐。小鐵通條每根重十
兩。銀二分七釐。鉤叉每把重一斤八兩。銀九分。
銅翦每把銀二錢。生鐵方軋窓門等項每斤銀
二分。熟鐵項火鐵索等項每斤銀五分。頭號鐵
鍤每把銀一錢三分五釐。二號銀一錢。三號銀
七分。頭號鐵鍤每把銀八分。二號銀七分。三號

銀六分。檜網絲每斤銀一錢二分。黃米條鐵絲
每斤銀一錢。菜豆條鐵絲每斤銀七分。油條鐵
絲每斤銀九分八釐。黃豆條鐵絲每斤銀七分
二釐。鐵花絲每斤銀二錢四分。頭號雨點釘每
百銀二分五釐。二號每百銀一分五釐。三號小
雨點釘每百銀一分二釐。象鼻棗核釘每斤銀
二分九釐。磨姑釘每斤銀四分五釐。泡子釘每
百銀五分四釐。銓磨亮釘每百銀一錢五分三
釐。大鐵鋸每箇銀一錢八分。小鐵鋸銀一錢四
分四釐。徑二寸鐵圈屈戌全每副銀一分三釐

五毫鐵門葉。每張銀三分五釐。鎖葉。每斤銀三分八釐。銅鈴。徑五分。銀六釐三毫。銅銜。長一尺。闊八分。每把銀八分。長五寸。闊四分。每把銀四分。火鉤。重十兩。每把銀三分六釐。大鐵鉤頭。重二斤八兩。每把銀六分七釐五毫。鐵條。長三寸。徑五分。每條銀一錢七分。鐵索。長一尺。重一斤。每條銀四分五釐。長五尺。每條銀一錢二分。漏杓。徑四寸。每把銀七分二釐。小鑪。重三兩。每把銀九釐。鐵錘。重八兩。每把銀二分七釐。鐵鉗。重一斤十四兩。每把銀二錢。鐵滑車。徑二寸。每副

銀二分五釐銓白鐵料。每斤銀七分。鐵砧子。每箇重五斤八兩。銀一錢三分五釐。銅鑿子。每把重六兩。銀六分三釐。鑿子。每箇重八兩。銀九分。鐵拍子。每箇銀四分五釐。鐵馬蹏。每副銀一錢八釐五毫。馬蹏鋼刀。重三斤。每把銀六錢三分。有鞘小刀。長八寸。每把銀二錢七分。鐵犁。鐵鋒。各重三斤。每箇銀九分。鐵翦。每把銀四分五釐。鐵練。每斤銀五分。生鐵。每斤銀四釐。熟鐵。每斤銀二分七釐。平常熟鐵。每斤銀二分二釐五毫。打造鐵料。每百斤工料銀四兩五錢。鑄造鐵器。

如檜鈴壽山福海細小物件。每百斤工料銀二
兩。如二百斤以上鐵鼎鐵鍋並鐵缸。牀櫈櫃
每百斤工料銀三兩五錢高錫。每斤銀二錢。椀
錫。每斤銀一錢八分。中等粗錫器皿。每斤銀一
錢四分五釐。細錫器皿。每斤銀一錢八分。黑鉛。
每斤銀七分五釐。鑄造鉛子。每百斤工料銀九
兩二錢五分七釐。鑄造鉛礮子。每百斤工料銀
八兩六錢二分七釐九毫三絲四忽七微。煤炸。
每斤銀二釐八毫。瓷器大白口缸。高三尺一寸。
口徑二尺八九寸。銀一兩五錢。大缸。高二尺八

寸。口徑二尺五寸。銀九錢。二號缸。口徑一尺八
九寸。銀五錢四分。小缸。口徑一尺二三寸。銀二
錢七分。綠瓷盆。口徑二尺。每箇銀四錢五分。大
瓷盆。口徑一尺八九寸。銀一錢六分二釐。二號
盆。口徑一尺四五寸。銀一錢小盆。口徑一尺。銀
四分。花瓷盆。徑七寸。銀七分。種花瓦盆。每箇高
徑各一尺二寸。銀九分。大瓷罐。高三尺五寸。圓
圓七尺。口面九寸。銀七兩。小瓷罐。高一尺九寸。
圓圓四尺。口面六寸。銀三兩。高一尺五寸。中徑
一尺。每箇銀三錢。有蓋瓷罐。高一尺三寸。每箇

銀二錢七分。砂罐每箇銀一錢六分。瓷花瓶高一尺。每對銀六錢。粗瓷瓶高六寸。每箇銀五分。四釐花瓷罐高二尺。徑九寸。每箇銀九錢。高一尺五寸。每箇銀三錢一分五釐。小花瓷罐高一尺三寸。每箇銀二錢七分。有耳瓷罐每箇銀五分。四釐化銅罐每箇徑二寸八分。高三寸七分。銀五分二釐。沙鍋每套計五箇。銀一錢。大砂鍋徑八寸。銀二分五釐。砂鉢徑四寸。每箇銀一分。三釐網城每塊綫麻重一斤十兩。結網工銀九分。釘繩每條重一斤八兩。腰繩每條重二斤。榆

木椿長二尺四寸。徑一寸八分。每箇銀四分四
釐九毫。駱駝乾屨。每副三塊。直屨長六尺。闊二
尺。彎屨長六尺五寸。闊二尺。計四層。每副銀二
兩九錢。稻草屨。每副二塊。銀九分。梓木板。每
副銀七錢二分。楊木板。每副銀四錢九分五
釐。榆木。每副銀二錢五分。兌千兩。
天平架。銅盤。鐵梁。鐵索全。每架銀三兩。兌百兩。
天平架。銅盤。鐵梁。鐵索全。每架銀一兩六錢。百
斤至五百斤大秤。每杆銀八錢。十斤至五十斤
小秤。每杆銀二錢五分。小盤秤。每杆銀一錢五

分。戥子五十兩至百兩。每把銀五錢。十兩至三十兩。每把銀一錢八分。杉木斛。連鐵料。每箇銀九錢。斗。每箇銀三錢六分九釐升。每箇銀一錢八釐星。每箇銀九分九釐九毫算盤。每面銀一錢八分。裝千兩木鞘。鐵箍鐵鉗全。每箇銀三錢七分五釐。竹席葦箔。苗竹。長二丈四尺。徑四寸。每根銀三錢。熏竹竿。長二丈至二丈五尺。徑一寸五六分。每根銀四分。笙竹。長二丈。徑寸二分。每根銀八分一釐。細竹竿。每根徑三分。銀一分五釐。圓竹。每根銀一錢五分。細紫竹。每根銀一

錢黃花竹。每根銀八分一釐實心竹。每根銀七分。玉竹。每根銀一錢七分。花竿竹。徑五分。長一丈三尺。每根銀一分九釐。有枝青竹。每根銀一錢。風阻竹。長二丈。徑一寸二分。每根銀六分五釐。薰竹篙。長丈七尺。每根銀一錢。毒竿。長丈三尺。徑一寸八分。每根銀五分。小旗竿。長八尺。徑七分。每根銀三分。葦席。長九尺五寸至一丈。闊五尺。每根銀八分。長七尺五寸至八尺。闊四尺。每領銀六分。葦箔。長一丈。闊五尺。每塊銀五分。長一丈。闊七尺。每塊銀七分。合紋細席。長闊一丈。

丈。每領銀六錢五分。雙紋粗席。長闊一丈。每領
銀三錢六分。牀席。長二丈五尺六寸。闊五尺七
寸。每領銀四錢八分。南細竹席。見方六尺五寸。
每領銀一兩三錢。竹席。長六尺。闊四尺。每領銀
四錢。子細箔。見方一丈。銀三錢八分。麻繩。綫麻。
每斤銀六分。綫麻繩。每斤銀七分。細綫麻繩。每
斤銀一錢六分。蘇麻。每斤銀一分六釐二毫。蘇
麻大繩。紮縛繩。每斤銀二分一釐六毫。蘇麻連
二繩。每斤銀二分二釐五毫。麻刀。每斤銀一分
五釐。紅黃綫麻繩。每斤銀八分。紅黃蘇麻連二

繩每斤銀二分七釐。索縛繩每斤銀二分六釐。
繩絡每箇銀三分六釐。麻經每斤銀一分八釐。
麻搭每把銀三分六釐。紅黃錢貫每斤銀五分。
苧麻每斤銀一錢四分五釐八毫。苧麻線每斤
銀五錢。鳥槍火繩長二丈。每條銀一分八釐。細
梭繩每斤銀一錢二分。毛綬繩長四丈。每根銀
二錢五分。席竿繩運價大席二百五十領一車。
八尺席三百領一車。竹竿五百根一車。葦箔二百塊一車。繩一千三百斤一車。京城內每車給
制錢二百。出城十里內給制錢三百。十里外照

每里銀二分例算給。乾隆三十三年奏准嗣後各省工糧止許就給價開報並將物料價值應行釐定以及購買物料腳價通行各省詳查送部飭令各司員按照前述成規並現送印冊逐款較覈折中定價毋使稍有浮虛。又

諭向來銀庫於各省解到鉤鞘即用該庫丁役任意開劈廢鞘致成無用遇有外發銀兩工部又需另製鞘鞘徒滋糜費浮冒嗣後銀鞘到庫先期知會工部選派諸匠役赴庫如法開劈每次劈完之後將木鞘運回工部擇其可以修整備用者挑存另貯將來遇

有外發銀兩。即以此項木鞘改用。不必另用新木製作。其實在破碎不堪修用者。秤準斤兩。交發營造司作為柴薪之用。○又議定。每遇劈鞘輪流派員前往開劈。完日將所劈整破副數及超出廢鐵斤重並開劈起止日期。用過夫匠名數開報。敷給匠夫飯食錢文。虞衡司食糧木匠二名。製造庫食糧木匠五名。每次傳取六名。每名每日給飯食制錢六十文。運夫二名。照食糧匠之例敷給工價。每日定限開劈五十鞘以上。給制錢三十文。至劈百鞘以上。給制錢六十文。如不及五十鞘。

不准開銷。所劈鞘殼整副可用者取官車運交
軍需庫存儲。破鞘杆明斤重以作柴薪。交內務
府營造司領用。起出廢鐵至五百斤交左右翼
鐵匠營。按例折給回火。打造釘箍鋸鑲。照所存
整鞘副數。按副造成交軍需庫查收。以備應用。
○嘉慶十七年奏准。左右兩翼鐵匠營。近年各
案鞘箍換下舊料。均照八折回火。作為荒鐵。入
冊報銷。惟鞘箍舊料本係熟鐵。況經八折回火
之後。愈加細膩。反作為荒鐵抵用。不特與例不
符。於錢糧亦覺靡費。嗣後凡換下舊鐵料。照舊

鐵回火之例。作為熟鐵另款存儲。遇有動用。其應用煤炸及加耗之處。按熟鐵之例報銷。不得歸入荒鐵冊內。致滋弊混。○又奏准各省舊例打造鳥槍。每淨重一斤。加荒鐵二斤。用煤炸六斤二兩。礮車上打造礮蓋。礮架。鳥槍殼。櫈櫃。櫃箱。桶等項。應用細小什件。每淨重一斤。加荒鐵一斤。煤炸五斤二兩。打造礮車上鐵瓦。箍鍋等項粗鐵料。每淨重一斤。加荒鐵四兩八錢。煤炸三斤二兩。至此外各項器具。何物應照細料。何物應照粗料。例內並未分別。以至從前各案。有照

粗料開銷者。有照細料開銷者。亦有照鳥槍之
例開銷者。辦理既不盡一。而照鳥槍之例開報。
尤屬浮多。今逐細檢查。內除鐵鍊。鐵鏈。鐵條。銷
子。釘錦屈。成鈎頭釘。向照粗鐵開報者。毋庸議。
外其打造鞘。箍木匣。鐵料斧子。掌刀。鐵爆火鉤。
火叉。挺杖。提鉤。提梁。鐵火箱。火索。鐵圈。醬刀。鐵
刀。彎刀。博刀。肉叉。羊刀。圈牛刀。劍子。鐵杓。鐵鎗。
篤鐵。鍊鐵葉。鐵鎖。須折煉純淨。方可成做。應准
其照。細鐵料開報。象鎖鐵。綁鐵。葵藜。稅鉤。鐵槍。
冰鎗。未鑄鐵門窗。向照鳥槍之例開報。未免

過費嗣後一併照細鐵料開報以前照鳥槍准
銷各案悉予註銷至小白椿紅椿帳房杆鐵料
鐵象鼻釘各省均照粗鐵料數計左右兩翼鐵
匠營係照細鐵數計惟外省開銷工匠而京城
係該營打造並不開銷工價亦准其照細料開
報以抵外省工價

領取器具○雍正元年奏准

暢春園等處搭蓋棚座所需架木席竿每歲冬夏
均由內務府咨取更換拆搭徒滋往返嗣後將
所用席竿架木均交內務府承管官員自行收

存拆蓋。以省運費。○嘉慶十七年奏准。太常寺豫備祭祀應用器具。領去後。即於該處存儲。俟修理添補時。咨部覈辦。惟光祿寺豫備筵燕。應用蒸鍋。鐵杓。肉叉。水缸。大小缸。葦麻繩絡子。坐席片等項。每用一次。事畢收回。下屆需用。臨時行取。往返運送。易致傷損。亦且徒糜腳費。嗣後將該寺每年筵燕內應用器具。約計數目。由工部辦給。用過之後。即於該寺存儲。以備下次筵燕應用。內鐵鍋。准其五年行取一次。大水缸。鐵杓。肉叉。准其三年行取一次。至缸葦砂砧繩斤繩。

繩席片易損之物亦於一年之內將損破存賸之數報部查覈如有應添之處仍由工部辦給移咨光祿寺赴部領取○十九年奏准左右翼鐵匠營各添松木風箱十六箇榆木板凳一百二十條廣鐵平砧十二塊廣鐵鼓砧十二箇大銅鉗一百二十條小銅鉗一百二十條○二十五年議定硝磺庫四角向設堆撥未設更鑄嗣後添製二面歸直年官辦給○道光三年議定武備院左右翼咨取風箱鐵砧並鑿儀衛象索鐵綆以及張家口牧廠冰鎗等件凡來文有更

換字樣者。均宜收新繳舊。其所繳舊物。仍由管庫司員驗明儲庫登冊存記。以備稽查。○十二年議准。工程行取物料。當先事關支。不得令商匠摺辦。○同治四年。滿洲火器營。咨取提礮鐵鍋十五口。口徑三尺八寸。深三尺。邊寬五寸。均厚一寸。問炭鐵鍋十口。每口口徑三尺九寸。深三尺八寸。邊寬五寸。均厚一寸。熬硝鐵鍋十五口。每口口徑四尺。深二尺八寸。邊寬五寸。均厚一寸。交直年官如式鑄造給領。○又奏准火藥局。各白不敷應用。添製鐵白木夯十分。所需工

料銀錢。按照市價發給。惟木夯搗用日久。易於
劈裂。恐致火藥不能純淨。添造熟銅木夯底三
十箇。每箇重十五斤。每熟銅一斤。亦按照市價
由節慎庫發給實銀五錢。○又定光祿寺等處
行取鐵鍋各件。先行派員查勘。及鑄給新鍋後。
即令將破損舊鍋送部儲庫。所鑄新鍋均鑄明
某年月造字樣。以便更換時查驗。未逾五年不
得遽請更換。○又定鑾儀衛咨取祭祀鋪設梭
氈應用磨菇頭釦。象房需用鐵鍋鐵索鐵絆。鐵
挽鉤。鐵槍鉤。槍鐵鎖。步軍統領衙門咨取。

皇城內打埽街道。需用鐵鍊鐵鉤鐵板頭等件。均
照來文覈定發給。